

тот поменены привилей перед нами покладаны въ сес наш лист вписаты, которы слово од слова так се в себе масть

Стефанъ, Божью Милостию король Польски, велики князь Литовски, Руски, Пруски, Жомойдски, Мазовецки, Инфлянтски, княжа Седмигородское и инныхъ,—чыним знамени-то симъ нашим листом нинейшим и на потом будучим, кому бы того была потреба ведати, иж нѣто, перво сего, за продка нашего славное памети короля его милости польского и великого княства Литовского Зыгмунта Августа, з Божого допущеня черес непрыятеля нашего князя великого Московского за посягненіем и несправедливым оторванем од панства нашего великого княства Литовского замку и места Полоцкого, маестности, именей панов Полоцкихъ рыцерства, шляхты, обывателей земли воеводства Полоцкого, в земли Полоцкое лежащихъ,—*все листы, привилей и твердосты на права и вольности в той земли Полоцкой належачы, на он час в том замку Полоцком во церкви светое Собрѣи, од предков нашихъ королей Их Милосты Польскихъ и великихъ князей Литовскихъ на-данные суть побраныи* ¹⁾. А иж за помощь Божью, за панования нашего, тот замок Полоцки з рук того непрыятеля нашего, князя великого Московского, до панства нашего—великого княства Литовского вже зась взяли есмо ²⁾, при котором имения, в той земли Полоцкой лежащые, од того непрыятеля нашего, менованого Московского освобоженные ест. Тогда мы, господар, з ласки наше маючы ласкавы взгляд на верныи, а намъ, господару, и Речи Посполитой пожыточныи службы панов Полоцкихъ, рыцерства и шляхты обывателей земли воеводства Полоцкого, иж они о имения свои, в земли Полоцкой лежачы, спустошенныи, з которыхъ

¹⁾ Очевидно, разумѣется, взятіе г. Полоцка 15 февраля 1563 года русскимъ царемъ Іоанномъ IV-мъ (Брянцевъ, Ист. Лит. Гос. Вильна 1889. Стр. 340.

²⁾ Г. Полоцкъ взятъ обратно Стефаномъ Баторіемъ въ 1580 году, и по миру при деревни Кивс-рова горка 16 янв 1582 г. отошла къ Польшѣ и вся Полоцкая земля (ibid 384).